



Kamis, 16 Nopember 2023

Ogen: Galati 3:28-29



Sada I bas Kristus



Hari Toleransi International imomoken UNESCO i bas tanggal 16 Nopember 1995 tupung ulang tahun PBB i pe-50 ken. Ibahan hari Toleransi Internasional guna ngergai ras mehamat man kerina suku i doni enda. Toleransi me carana gelah suku bangsa la ngukuri dirina saja, tapi ermediate man bangsa si deban. Kerina suku bangsa i doni min nggejapken maka kerina ia teman, alu bage lanai lit perang, kerina nggeluh dame. I bas kitab Galati pe Paulus nuriken kecibal bangsa Jahudi ras bangsa Junani seri nge ilebe-lebe Dibata sabap apai pe ia enggo ngaloken penebusen i bas Tuhan Jesus nari. Budak ras kalak bebas pe lanai lit tembok pemisah, dilaki ras diberu pe bage. Sabap kerina nge ersada erkiteken Kristus. Paulus mabai perpulungen gelah ngergai temanna amin pe la sada suku ras ia. Apai ka bangsa Jahudi lit pengakapna maka ia ganjangen asangken suku sideban. Lalap ihagakenna ia bangsa pilihan Dibata, uga pe kecibalna ia enggo selamat. Bangsa sideban iakapna kafir erkiteken la sada suku ras ia, janah banci selamat adi ngikutken aturen kalak Jahudi entah arus ijahudiken. Pengangkan si bage erbahansa lit terpuk-terpuk, lit si minoritas ras lit si mayoritas. Pengangkan ras kecibal sibage me arus ipepinter. Erkiteken kematen Kristus i kayu persilang ras kekekenNa, erbahansa lanai erndobahen kalak Jahudi entah Junani bage pe bangsa si deban i doni enda. Kerina ersada i bas Kristus. Erkiteken kita ersada, oratna min kita siergan, sihamaten, sikelengen. Jesus Bapanta enggo engkelengi ras mpehaga kita. Sicidadhenlah kita sekerajangen Tuhan alu mehamat ras mpehaga kalak sideban, amin la sada suku ras kita.